



12. august 2024

UKA 2024/140

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

**Inissiatileqatigiiffiit pisortanik pigineqartut namminersortunngorsarnissaat immaqaluunniit kommuninut oqartussaaffik tunniunneqarnissaa pillugu apeqquteqaat aallaavigalugu oqallisissiaq.**

(Inatsisartunut ilaasortaq Bentiaraq Ottosen, Atassut)

Eqqartorneqarsinnaasut assigiingitsorujussuusinnaapput, allaallumi allamut saasarluni oqallinneq saatinneqarsinnaalluni. Kisiannili pissutsit piviusut qiviassagaanni namminersorlutik oqartussat suliffeqarfiutaasa ilai namminersortunngorsarneqarsinnaanerit inuiaqatigiinni oqallisigineqartariaqartut ilagaat.

Qanoq isilluta qitiusumiit aqutsinerujussuaq annikillisarsinnaavarput? Inuiaqatigiinut tusarnaarnej pisariaqalersimasoq pingaaruteqarluinnartuuvoq oqallisigineqarnissaa. Eqqarsartariaqarpugut siunissamut ungasinnerusumut qanoq isilluta ilusilersuisinnaanerluta inuiaqatigiit peqatigalugit, eqqarsartariaqarpugut piviusunngortitsillutalu inuiaqatigiit pingaartitaasa ilusilersornissaanut aqcutissiusissalluta. Inuiaqatigiit peqataatinneqartariaqarpugut, kiffartuusinerlu pitsannerusumik inuiaqatigiinnut tunniunneqarsinnaasariaqarpoq, taamaasiortoqartillugulu alloriarnej annertoq anguneqarsinnaalluni.

Assersuutigalugu - INI A/S namminersortunngorsarneqarnissaa qanoq isumaqarfigaassiuk? Eqqarsaatigiinarlugumi immaqqa nunarsuarmit kisiartaagunarpugut inissiatileqatigiiffimmik pisortanit pigineqartumik piginnittuulluta, tamanna nunani demokratiskiusumik ingerlatsisuusuni takornartaagunangilaq. Namminersorlutik oqartussat piginnittuunermi oquk nungusarniarlugu inuiaqatigiit akornanni periusissiamik suliaqartaraluarput, kisiannili tamanna iluatsissimava?

Ullumikkummi takuneqarsinnaalluarpoq suli inissiat pisortanit pigineqartut amerlasuut oqummik eqqugaaqqasut, tamanna peqqinnartuungilaq inoqutigiinni najugaqarfigissallugu. Iisimalluarparput pisortat nukissatik tamaasa atorlugit iluarsartuusinerit aserfallatsaaliinerit assigisaallu oquk akiorneranik suliniuteqartaraluartut, kisiannili tamanna naamanngilaq. Tamanna akisussaaffik tigullugu suliarineqartariaqarnerat isumaqarpunga inissaminiittoq, taamaasioruttami namminersortunngorsaallutalu akissaqassuseq suliffeqarfigimmik pitsaanerulissagaluarpoq, inissiat pillugit periusissialiornissat nammineq ingerlasut anguneqarsinnaagaluarput. Tassami namminersortutut ingerlasuni piginnittut nukissaqarluaraluarput, aporfilli ataasiinaavoq namminersortunngorsarneratigut aqcutit pitsaanerulernerat anguneqarsinnaalluni.

Inissiatileqatigiiffimmik piginnittussaaneq namminersortunut tunniunneqartariaqarpoq, assersuutigalugu kommune-t aallarniisuusinnaagaluarput. Tamakkua eqqarsaatersuutiginnissaat isumaqarpunga isummersorfigineqarsinnaasariaqartut oqallisigineqarlutilli. Erseqqissalaasavara allamik nunarsuarmi taamatut ingerlasumik takunikuunnginnama, namminersortunngorsaaneq ajortortaqaangilaq pisortaniilli piginnittuuneq annikillisarneqartuariaqarpoq.

Una oqallinneq pingaarutilerujussuuvoq, isummersuutit oqallinnerillu torersumik ingerlanissaat pingaaruteqarlunnartuummat. Pisortaniit utaqqiinanngikkaluarluni namminersortunut tapersersuineq ersersinneqartariaqarpoq, periarfissatullu allatut taaneqarsinnaavoq akisussaaffik kommunenut tunniukkallarneqarsinnaanera, kingornalu namminersortunngorsaaneq suliarineqarsinnaalluni. Oqallinnerit pingaaruteqarput, soorunalimi tamanna killiffik nalilersorlugulu inernilersorneqarsinnaasariaqarpoq, manna ullumikkutut ittut sumiiffinni nalujunnaangilagut. Taamaasilluni inissiat periutsit malitsigisaanik aserfallatsaalineqarsinnaalissallutik.